



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565 400
fax. +387 33 565 423
e – mail: jvp@bih.net.ba; info@voda.ba

Broj: **UP-I/25-1-40-153-2/09**
Datum: 5.5.2009. godine

«Agencija za vodno područje rijeke Save» Sarajevo rješavajući po zahtjevu «Vizura» d.o.o. Fojnica za izdavanje prethodne vodne saglasnosti za izgradnju male hidroelektrane «Bakovići 1» instalisane snage 2,172 kW na rijeci Bistrici – Općina Fojnica u postupku izdavanja urbanističke saglasnosti, na osnovu člana 65. stav 4. Zakona o upravnom postupku («Službene novine Federacije BiH», broj 2/98, 48/99 i 8/00) i člana 139. stav 2. tačka 4. Zakona o vodama («Službene novine Federacije BiH», broj 70/06) d o n o s i

ZAKLJUČAK

Odacuje se zahtjev «Vizura» d.o.o. Fojnica za izdavanje prethodne vodne saglasnosti za izgradnju male hidroelektrane «Bakovići 1» instalisane snage 2,172 kW na rijeci Bistrici, na lokaciji K.O. Gvoždani, broj k.k. uloška 238, Općina Fojnica zbog nenadležnosti za postupanje u konkretnoj stvari.

Zahtjev se ustupa Ministarstvu šumarstva, poljoprivrede i vodoprivrede Srednjobosanskog kantona kao organu nadležnom za postupanje.

Obrazloženje

«Vizura» d.o.o. Fojnica, Kralja Tvrtka 3, Fojnica, pismenim zahtjevom bez broja i datuma (primljen 30.4.2009. godine) obratila se «Agenciji za vodno područje rijeke Save» Sarajevo, za izdavanje prethodne vodne saglasnosti za izgradnju male hidroelektrane «Bakovići 1» na rijeci Bistrici – Općina Fojnica, instalisane snage 2,172 kW, a u postupku izdavanja urbanističke saglasnosti.

U prilogu zahtjeva dostavljena je slijedeća dokumentacija:

- Izvod iz idejnog rješenja, urađen od strane «Extrem inženjering» d.o.o. Sarajevo (septembra 2006. godine),
- Dokaz o uplati upravne takse 45,0 KM i administrativne takse 3,0 KM u biljezima,
- Rješenje o upisu u sudski registar – ovjerena kopija,
- Rješenje o razvrstavanju pravne osobe prema djelatnosti – ovjerena kopija,
- Uvjerenje o poreznoj registraciji – ovjerena kopija,
- Uvjerenje o upisu u Jedinostveni registar obveznika indirektnih poreza – ovjerena kopija,
- Izvod iz Prostornog plana Srednjobosanskog kantona (grafički prikaz lokacije) karta «Namjena prostora»,

- Mišljenje Kantonalnog zavoda za urbanizam, prostorno planiranje i zaštitu kulturno-historijskog naslijeđa,
- Karta lokacije, mjerilo nije navedeno,
- Katastarsko-knjižni izvadak,
- Ugovor o koncesiji za projektovanje, izgradnju, korištenje i prenos male hidroelektrane «Bakovići 1».

Razmatrajući zahtjev «Agencija za vodno područje rijeke Save» Sarajevo je utvrdila:

- na osnovu člana 139. stav 2. tačka 4. Zakona o vodama («Službene novine Federacije BiH», broj 70/06) i člana 4. stav 2. tačka 4. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 6/08) da je za rješavanje u konkretnoj stvari nadležno Ministarstvo šumarstva, poljoprivrede i vodoprivrede Srednjobosanskog kantona.

Prema članu 65. stav 4. Zakona o upravnom postupku («Službene novine Federacije BiH», broj 2/98, 48/99 i 8/00) zahtjev sa dokumentacijom se upućuje na obradu i rješavanje Ministarstvu šumarstva, poljoprivrede i vodoprivrede Srednjobosanskog kantona, kao organu nadležnom za postupanje u konkretnoj stvari.

POUKA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva – Sarajevo, putem ove Agencije, u roku od 15 dana od dana prijema rješenja.

Žalba se podnosi neposredno, pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema broju 3. Tarife federalnih administrativnih taksi.

Dostaviti:

- «Vizura» d.o.o. Fojnica,
ul. Kralja Tvrtka 3.
- Ministarstvo šumarstva, poljoprivrede i vodoprivrede Srednjobosanskog kantona
Travnik (sa zahtjevom i priložima)
- Federalno ministarstvo poljoprivrede,
vodoprivrede i šumarstva Sarajevo
- AVP Sava – ISV Vodna knjiga
- AVP Sava – Org. jed. 40

Po ovlaštenju
Rukovodilac sektora za izdavanje
vodnih akata

Nedžad Vilić, dipl.inž.građ.